

festo Titulari earumdem respective Ecclesiarum a primis vesperis usque ad occasum solis diei hujusmodi vere poenitentes confessi, Sacraque Communionem refecti devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam clementer elargitus est. Quibuscumque in contrarium facientibus non obstantibus. Voluitque Sanctitas Sua hanc gratiam perpetuis futuris temporibus absque ulla Brevis expeditione fore valituram. Voluitque etiam praesentis Decreti transumptis, seu exemplis etiam impressis, manu Procuratoris Generalis dicti Ordinis subscriptis, et sigillo ejusdem Ordinis munitis eadem prorsus fides adhibeatur, quae adhiberetur praesenti, si originaliter foret exhibitum vel ostensum. Datum Romae ex Secretaria Sac. Congregationis Indulgentiarum die 17 Januarii 1769.

L. CARD. CALINUS PRAEF.
S. Borgia Secret.

CCCXXXIV.

URBIS ET ORBIS

Quum alias fel. rec. Clemens XIII ad humillimas preces Fr. Michaelis a S. Francisco de Paula Procuratoris Generalis Ordinis Sanctissimae Trinitatis Discalceatorum benigne inclinatus omnibus tum Regularibus, tum Confratribus ejusdem Ordinis Sanctissimae Trinitatis Discalceatorum, qui saltem corde contriti eandem Sanctissimam Trinitatem invocarent sequens Trisagium devote recitantes « *Sanctus, Sanctus, Sanctus Dominus Deus exercituum, plena est terra Gloria Tua, Gloria Patri, Gloria Filio, Gloria Spiritui Sancto* » centum dierum Indulgentiam semel in die, in Dominicis vero, in festo Sanctissimae Trinitatis et per totam ejus Octavam ter in qualibet praefatorum dierum lucranda concesserit. Sanctissimus Dominus Noster Clemens PP. XIV ut erga Divinissimum et praecipuum Catholicae Fidei Mysterium nostrae crescat devotionis affectus, praefatam Indulgentiam ad universos Christifideles clementer extendit.

Datum Romae ex Secretaria Sac. Congregationis Indulgentiarum die 6 Junii 1769.

L. CARD. CALINUS PRAEF.
S. Borgia Secret.

CCCXXXV.

MEDIOLANEN.

Ad humillimas preces Sacerdotum Congregationis Oblatorum a S. Carolo Borromaeo institutae Collegii loci *di Rò* Mediolanen. Dioecesis Sanctissimus Dominus Noster Clemens PP. XIV benigne inclinatus universis utriusque sexus Christifidelibus vere poenitentibus et confessis, qui seu S. Missionibus, seu Exercitiis Spiritualibus tum in ipsa Dioecesi Mediolanensi, cum in aliis de Ordinariorum consensu per eosdem Sacerdotes peragendis post tres saltem dies praedictarum Missionum, seu Exercitiorum quibus interfuerint, ad S. Eucharisticam Mensam devote accesserint, Indulgentiam Plenariam concessit. Voluitque Eadem Sanctitas Sua hanc gratiam perpetuis futuris temporibus absque ulla Brevis expeditione fore valituram. Datum Romae ex Secretaria Sacrae Congregationis Indulgentiarum die 13 Junii 1769.

L. CARD. CALINUS PRAEF.
S. Borgia Secret.

CCCXXXVI.

CARTHAGINEN.

Ad humillimas preces Confraternitatis B. M. V. Septem Dolorum erectae in Parochiali Ecclesia Villae de Sax Carthaginensis Dioecesis Sanctissimus Dominus Noster audito voto P. Procuratoris Generalis Ordinis Servorum B. M. V. benigne inclinatus, concessit Seniori Sacerdoti Confratri ejusdem Confraternitatis, facultatem benedicendi parvum Habitum, seu Scapulare B. M. V. Septem Dolorum, ipsumque imponendi omnibus utriusque sexus Christifidelibus, cum omnibus Indulgentiis seu gratiis spiritualibus, quibus Confratres dictae Sodalitatis gaudent et potiuntur; cum potestate, ipso impedito, alium Sacerdotem Confratrem

substituendi, dummodo praefata Confraternitas, canonice sit erecta, et nemo sit in dicta Villa qui eadem facultate gaudeat. Non obstantibus in contrarium facientibus quibuscumque. Voluitque Eadem Sanctitas Sua hanc gratiam perpetuis futuris temporibus absque ulla Brevis expeditione fore valituram. Datum Romae ex Secretaria Sac. Congregationis Indulgentiarum die 27 Junii 1769.

L. CARD. CALINUS PRAEF.
S. Borgia Secret.

CCCXXXVII.

URBIS

Ad humillimas preces Abbatissae et Monialium Ordinis Sancti Francisci Monasterii S. Laurentii nuncupat. *in Pane et Per-na* de Urbe Sanctissimus Dominus Noster Clemens PP. XIV benigne inclinatus eisdem coeterisque in Monasterio degentibus, quae vere poenitentes, confessae ac S. Communione reffectae Altare Conceptionis B. M. V. Immaculatae intra Chorum existens in festo Sanctissimi Nominis Mariae devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vespere usque ad occasum solis ejusdem diei festi concessit. Insuper iisdem Monialibus, coeterisque in Monasterio degentibus ut supra rite dispositis visitantibus Cappellam B. M. V. de Monte Carmelo intra Claustra Monasterii sitam, pieque juxta mentem Sanctitatis Suae oraverint, in Dominica infra Octavam Commemorationis ejusdem B. M. V. de Monte Carmelo Indulgentiam pariter Plenariam a primis vespere incipiendam usque ad occasum solis praefatae Dominicae clementer concessit. Voluitque Sanctitas Sua hanc gratiam perpetuis futuris temporibus fore valituram. Datum Romae ex Secretaria Sac. Congregationis Indulgentiarum die 29 Augusti 1769.

S. Borgia Secret.

CCCXXXVIII.

TUSCULAN.

Ad enixas preces Regiae Celsitudinis Eminentissimi Card. Ducis Eboracensis Episcopi Tusculani Sanctissimus Dominus Noster Clemens PP. XIV benigne inclinatus universis utriusque sexus Christifidelibus qui in festo S. Matthaei Apostoli vere poenitentes et confessi in quacumque Ecclesia sive intra sive extra Civitatem Tusculanam sacro Eucharistiae pabulo reffecti fuerint, ac deinde Ecclesiam Cathedralem devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vespere usque ad occasum solis ejusdem diei festi clementer concessit. Voluitque Eadem Sanctitas Sua hanc gratiam absque ulla Brevis expeditione perpetuis futuris temporibus fore valituram. Datum Romae ex Secretaria Sac. Congregationis Indulgentiarum die 5 Septembris 1769.

S. Borgia Secret.

CCCXXXIX.

ORDINIS CLERICORUM REGULARIUM MINISTRANTIUM INFIRMIS

Ad humillimas preces Gabrielis Marin de Moya Generalis, ac Francisci Dominici Canavassi Procuratoris Generalis Clericorum Regularium Ministrantium Infirmis Sanctissimus Dominus Noster Clemens PP. XIV benigne inclinatus concessit, ut omnes et singulae Missae quae a quocumque Sacerdote dicti Ordinis in vim Statutorum, seu juxta Ordinis Constitutionem pro anima cujuscumque Presbyterorum, Clericorum, et Laicorum ejusdem Ordinis celebrari debent, ad quodcumque Altare Ecclesiarum Ordinis praedicti tam hactenus erectarum, quam in posterum erigendarum celebratae fuerint, eodem privilegio gaudeant ac si in Altari privilegiato celebratae fuissent. Quibuscumque in contrarium facientibus non obstantibus. Praesenti in perpetuum valituro. Voluitque Eadem Sanctitas Sua hanc gratiam suffragari

absque ulla Brevis expeditione. Datum Romae ex Secretaria Sac. Congreg. Indulgentiarum die 12 Septembris 1769.

L. CARD. CALINUS PRAEF.
S. Borgia Secret.

CCCXL.

ROTHOMAGEN.

Sanctissimus Dominus Noster Clemens PP. XIV omnibus utriusque sexus Christifidelibus Dioecesis Rothomagensis benigne concessit ut omnes et singulas Indulgentias concessas et in posterum concedendas Ecclesiis, seu Cappellis publicis praefatae Dioecesis lucrari valeant semel, vel in die festo, in quo Indulgentia reperitur concessa, vel infra ejus octavam, dummodo vere poenitentes, confessi ac S. Communione refecti Ecclesiam in qua adest Indulgentia devote visitaverint, ibique per aliquod temporis spatium juxta mentem Sanctitatis Suae pie oraverint. Voluitque Eadem Sanctitas Sua hanc gratiam in perpetuum absque ulla Brevis expeditione fore valituram. Datum Romae ex Secretaria Sac. Congregationis Indulgentiarum die 29 Septembris 1769.

S. Borgia Secret.

CCCXLI.

ORDINIS MIN. CAPPUCINORUM

Ad humillimas preces Fr. Erhardi Radkerspurgensis Procuratoris et Commissarii Generalis Ordinis Minorum Cappuccinorum Sanctissimus Dominus Noster Clemens PP. XIV benigne inclinatus universis utriusque sexus Christifidelibus, qui vere poenitentes et confessi Sacraque Communione refecti, aliquam praedicti Ordinis Ecclesiam ubicumque Locorum existentem die decimaquarta mensis Januarii cujuslibet anni devote visitaverint, ibique per aliquod temporis spatium juxta mentem Sanctitatis Suae devote oraverint, Indulgentiam Plenariam incipiendam a primis vespere usque ad occasum solis ejusdem diei clementer impertitus est. Quibuscumque in contrarium facientibus non obstantibus. Voluitque Eadem Sanctitas Sua hanc gratiam per-

petuis futuris temporibus fore valituram, absque ulla Brevis expeditione. Datum Romae ex Secretaria Sac. Congregationis Indulgent. die 7 Novembris 1769.

L. CARD. CALINUS PRAEF.
S. Borgia Secret.

CCCXLII.

EBORACEN.

Sanctissimus Dominus Noster Clemens PP. XIV attentis expositis et benigne annuens pro gratia extendit omnes et singulas Indulgentias a Summis Suis Praedecessoribus Ecclesiis, et Cappellis publicis Dioecesis Eboracensis hactenus concessas tum alias in posterum concedendas in quacumque anni die ad totam octavam ejusdem diei, itaut omnes utriusque sexus Christifideles vere poenitentes, confessi ac S. Communione refecti Ecclesiam aut Cappellam in qua Indulgentia reperitur concessa devote visitantes ibique per aliquod temporis spatium juxta mentem Sanctitatis Suae pie orantes, vel in ipso die festo, vel infra octavam Indulgentiam lucrari possint et valeant. Voluitque Eadem Sanctitas Sua hujusmodi gratiam quoad extensionem tantum Indulgentiae per totam octavam absque ulla Brevis expeditione perpetuis futuris temporibus fore valituram. Datum ex Secretaria Sacrae Congregationis Indulgent. die 7 Novembris 1769.

S. Borgia Secret.

CCCXLIII.

JANUEN.

Ad humillimas preces Congregationis Missionis Urbanae Sancti Caroli Civitatis Januen. Sanctissimus Dominus Noster Clemens PP. XIV benigne inclinatus concessit Reverendissimo Archiepiscopo Januensi ejusque in posterum perpetuis temporibus Successoribus facultatem impertiendi bis in anno Benedictionem nomine Sanctitatis Suae cum elargitione Plenariae Indulgentiae ab omnibus et singulis utriusque sexus Christifidelibus lucranda, qui Sac. Missionibus bis pariter in anno a praefata Congre-

gatione peragi consuetis nimirum per sexdecim dies incipien. a festo Ascensionis Domini Nostri Jesu Christi et a Dominica Septuagesima usque ad diem Cinerum devote interfuerint, et vere poenitentes, confessi ac S. Communione refecti juxta mentem Sanctitatis Suae per aliquod temporis spatium pias ad Deum preces effuderint. Voluitque Idem Sanctissimus hac nova facultate moderno Archiepiscopo ejusque Successoribus concessa nullatenus derogari facultati a fel. rec. Clementis XIII singulis Archiepiscopis tributae bis in anno illius nomine solemniter populum benedicendi, ut in Litteris Apostolicis sub datum Romae apud S. Mariam Majorem anno 1672 tertio Nonas Septembris.

Datum Romae ex Secretaria Sac. Congregationis Indulgentiarum die 5 Decembris 1769.

S. Borgia Secret.

CCCXLIV.

JANUEN.

Ad humillimas preces Congregationis Missionis Urbanae Sancti Caroli Civitatis Januen. Sanctissimus Dominus Noster benigne inclinatus, concessit Reverendissimo Archiepiscopo Januen. ejusque in posterum perpetuis temporibus Successoribus facultatem impertiendi bis in anno Benedictionem nomine Sanctitatis Suae cum elargitione Plenariae Indulgentiae ab omnibus et singulis utriusque sexus Christifidelibus lucrandae qui Sacris Missionibus bis pariter in anno a praefata Congregatione peragi consuetis, nimirum pro sexdecim dies incipien. a festo Ascensionis Domini Nostri Jesu Christi, et a Dominica Septuagesima usque ad diem Cinerum devote interfuerint, et vere poenitentes, confessi ac S. Communione refecti juxta mentem Sanctitatis Suae per aliquod temporis spatium pias ad Deum preces effuderint; in casu vero assentiae ab Urbe Reverendissimi Archiepiscopi, seu ob ejus impedimentum, eidem tribuit facultatem subdelegandi alios sibi bene visos ad praefatam Benedictionem bis in anno tempore Missionum populo impertiendam. Voluitque Sanctitas Sua hac nova facultate moderno Episcopo ejusque Suc-

cessoribus concessa, nullatenus derogari facultati a fel. rec. Clemente XIII singulis Episcopis tributae bis in anno illius nomine solemniter populum benedicendi, ut in Litteris Apostolicis sub datum Romae apud S. Mariam Majorem anno 1762 tertio Nonas Septembris. Datum Romae ex Secretaria Sac. Congregationis Indulgentiarum die 9 Januarii 1770.

S. Borgia Secret.

CCCXLV.

PROVINCIAE POLONIAE ET LITUANIAE

Ad humillimas preces Clericorum Regularium Ordinis Scholarum piarum in Poloniae et Lituaniae Provinciis existentium Sanctissimus Dominus Noster Clemens PP. XIV benigne inclinatus concessit translationem Indulgentiae Plenariae jam elargitae a san. mem. Clemente XIII sub die prima Decembris anni 1765 universis utriusque sexus Christifidelibus, qui vere poenitentes confessi Sacraque Communione refecti aliquam ex Ecclesiis eorumdem Clericorum tam erectis, quam in posterum erigendis devote visitaverint in die 27 Augusti pro festo S. Josephi Calasancii ejusdem Ordinis Fundatoris, ad diem quartam Julii in omnibus Ecclesiis Oratorum, ad quam diem pro Regno Poloniae et Magno Ducato Lituaniae ejusdem Sancti festum translatum est, ex Decreto S. Rituum Congregationis sub die 9 Decembris 1769. Quibuscumque in contrarium facientibus non obstantibus. Praesenti in perpetuum valituro. Voluitque Eadem Sanctitas Sua hanc gratiam suffragari absque ulla Brevis expeditione.

Datum Romae ex Secretaria Sac. Congregationis Indulgentiarum die 16 Januarii 1770.

S. Borgia Secret.

CCCXLVI.

FF. SANCTISSIMAE TRINITATIS DISCALCEATORUM

Quum alias fel. rec. Clemens XIII ad humillimas preces F. Michaelis a S. Francisco de Paula Procuratoris Generalis Sanctissimae Trinitatis Discalceatorum omnibus tum Regularibus cum

Confratribus ejusdem ordinis Sanctissimae Trinitatis Discalceatorum, qui saltem corde contriti eandem Sanctissimam Trinitatem invocarent, sequens Trisagium devote recitantes « *Sanctus, Sanctus, Sanctus Dominus Deus exercituum, plena est terra Gloria Tua, Gloria Patri, Gloria Filio, Gloria Spiritui Sancto*: centum dierum Indulgentiam, semel in die; in Dominicis vero et in festo Sanctissimae Trinitatis, ac per totam ejus Octavam ter in qualibet praefatarum dierum lucranda concessit, Sanctissimus Dominus Noster Clemens PP. XIV ad iteratas ejusdem Procuratoris Generalis preces benigne inclinatus concessit Indulgentiam Plenariam semel in mense lucranda ab iisdem Regularibus, et Confratribus qui quotidie per mensem praefatum Trisagium devote recitaverint, die nempe ab unoquoque eligenda in qua vere poenitentes confessi ac S. Communionem refecti juxta mentem Sanctitatis Suae pias ad Deum preces effuderint. Voluitque Eadem Sanctitas Sua hanc gratiam perpetuis futuris temporibus absque ulla Brevis expeditione fore valituram.

Datum Romae ex Secretaria Sac. Congregationis Indulgentiarum die 30 Januarii 1770.

L. CARD. CALINUS PRAEF.
S. Borgia Secret.

CCCXLVII.

ORDINIS FF. CAPPUCINORUM S. FRANCISCI

Ad humillimas preces Fr. Erhardi de Radkerspurg Procuratoris Generalis Ordinis Min. S. Francisci Cappuccinorum Sanctissimus Dominus Noster Clemens PP. XIV benigne inclinatus concessit omnibus utriusque sexus Christifidelibus, qui vere poenitentes, confessi, et S. Communionem refecti aliquam ex Ecclesiis Provinciarum Italiae in quibus per Fratres ejusdem Ordinis Divina Officia seu Ecclesiastica Sacramenta administrantur devote visitaverint, et ibi per aliquod temporis spatium juxta mentem Sanctitatis Suae preces effuderint, ut eas omnes et singulas Indulgentias et peccatorum Remissiones ac poenitentiarum relaxationes consequantur, quas consequerentur si aliquam ex propriis

Ecclesiis Ordinis Cappuccinorum personaliter ac devote visitaverint. Quibuscumque etc. Voluitque Sanctitas Sua hanc gratiam suffragari absque ulla Brevis expeditione, quousque in administratione praefatarum Ecclesiarum Fratres praedicti permanebunt. Datum ex Secretaria Sac. Congregationis Indulgentiarum die 6 Martii 1770.

L. CARD. CALINUS PRAEF.
S. Borgia Secret.

CCCXLVIII.

ORDINIS MIN. CONVENTUALIUM S. FRANCISCI PROVINCIAE ARGENTINAE

Ad humillimas preces Fr. P. Magistri Eugenii Weber Ministri Provincialis Provinciae Argentinae Ord. Min. Conventualium S. Francisci Sanctissimus Dominus Noster Clemens PP. XIV benigne inclinatus universis utriusque sexus Christifidelibus, qui vere poenitentes confessi, ac S. Communionem refecti, aliquam Ecclesiam tum Fratrum tum Sororum seu Monialium ejusdem Ordinis Min. Conventual. dictae Provinciae devote visitaverint, die decimaquarta mensis Novembris, ibique per aliquot temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vespere usque ad occasum solis dictae diei decimaquarta Novembris clementer concessit. Voluitque Sanctitas Sua hanc gratiam perpetuis futuris temporibus fore valituram. Datum Romae ex Secretaria Sac. Congregationis Indulgent. die 8 Maii 1770.

S. Borgia Secret.

CCCXLIX.

FRATRUM SANCTISSIMAE TRINITATIS DISCALCEATORUM

Quum alias fel. rec. Clemens PP. XIII ad humillimas preces Fr. Michaelis a S. Francisco de Paula Procuratoris Generalis Ordinis Sanctissimae Trinitatis Discalceatorum benigne inclinatus omnibus tum Regularibus cum Confratribus ejusdem Ordinis Sanctissimae Trinitatis Discalceat. qui saltem corde contriti eandem Sanctissimam Trinitatem invocabunt sequens Trisagium de-

vote recitantes « *Sanctus, Sanctus, Sanctus Dominus Deus exercituum, plena est terra Gloria Tua, Gloria Patri, Gloria Filio, Gloria Spiritui Sancto* » centum dierum Indulgentiam semel in diem lucranda concessit. In Dominicis vero, in festo Sanctissimae Trinitatis, et per totam ejus octavam eandem centum dierum Indulgentiam ter in qualibet praefatarum dierum pariter lucranda concesserit. Cum autem postmodum Sanctissimus Dominus Noster Clemens PP. XIV omnibus tum Regularibus, tum Confratribus ejusdem Ordinis, qui per integrum mensem quotidie praefatum Trisagium devote recitaverint, Indulgentiam Plenariam semel in quolibet mense lucranda elargitus fuerit; denique iteratis ejusdem Fr. Michaelis a S. Francisco de Paula humillimis precibus benigne annuens praedictam Indulgentiam Plenariam, pariter in quolibet mense lucranda ad universos utriusque sexus Christifideles, qui dictum Trisagium devote quotidie recitaverint, clementer extendit. Voluitque Sanctitas Sua hanc gratiam in perpetuum suffragari absque ulla Brevis expeditione. Datum Romae ex Secretaria Sac. Congregationis Indulgentiarum die 26 Junii 1770.

S. Borgia Secret.

CCCL.

TUSCULANA

Quum alias Sanctissimus Dominus Noster Clemens PP. XIV ad enixas preces Regiae Celsitudinis Eminentissimi Card. Ducis Eboracensis Episcopi Tusculani benigne inclinatus universis utriusque sexus Christifidelibus, qui in festo S. Matthaei Apostoli vere poenitentes et confessi in quacumque Ecclesia sive intra sive extra Civitatem Tusculanam S. Eucharistiae pabulo refecti fuerint, ac deinde Ecclesiam Cathedralem devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vespere usque ad occasum solis ejusdem diei festi in perpetuum duraturam concesserit; ad novas preces dictae Regiae Celsitudinis Eminentissimi Idem Sanctissimus benigne

indulsit, ut quoties festum S. Matthaei Apostoli in diem jejunii inciderit, Indulgentia Plenaria ut supra concessa, in Dominicam immediate sequentem praedictum festum transferatur, servato in reliquis quoad omnia tenore praedictae concessionis.

Datum Romae ex Secretaria Sac. Congregationis Indulgentiarum die 4 Septembris 1770.

S. Borgia Secret.

CCCLI.

ASSISIEN. ORDINIS MIN. OBSER. PROVINCIAE SERAPHICAE

Ad humillimas preces Custodis et FFr. Conventus Assisien- sis S. Damiani Min. Obser. Provinciae Seraphicae Sanctissimus Dominus Noster Clemens PP. XIV benigne inclinatus universis utriusque sexus Christifidelibus, qui vere poenitentes et confessi et S. Communione refecti aliquam Ecclesiam sive Regularium, sive Monialium praedicti Ordinis Provinciae Seraphicae devote visitaverint die septima Februarii, ibique per aliquod temporis spatium pias ad Deum preces effuderint, Indulgentiam Plenariam incipiendam a primis vespere usque ad occasum solis ejusdem diei, clementer concessit. Voluitque Sanctitas Sua hanc gratiam absque ulla Brevis expeditione perpetuis futuris temporibus fore valituram. Datum Romae ex Secretaria Sac. Congregationis Indulgentiarum die 4 Septembris 1770.

L. CARD. CALINUS PRAEF.

S. Borgia Secret.

CCCLII.

Sacra Congregatio Indulgentiis Sacrisque Reliquiis praeposita die 2 Julii 1669 declaravit celebrationem Missarum Sanctorum Ritus duplicis revera suffragari pro Missis Privilegiato Altari additis, quod postea etiam declaratum fuit a S. Rituum Congregatione die 5 Aprilis 1687 nec non confirmatum anno subsequenti A. Ven. Innoc. XI pro Dominicis aliisque diebus privilegiatis in quibus Defunctorum Missae celebrari vetitum sit. Deinde Eadem Sac. Congregatio die 20 Julii 1751 declaravit, quod Missae quae